



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De|| EXTREMA VNCTIO-||NE, ORDINE, ET MATRI-||MONIO.|| SINGVLIS LIBRIS
EX-||PLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

VI. Diaconatum esse verum Sacramentum.

[urn:nbn:de:hbz:466:1-54104](https://nbn-resolving.de/urn/resolver.pl?urn=urn:nbn:de:hbz:466:1-54104)

non sequitur, posse Episcopum, qui non sit presbyter, conlocare Eucharistiam: non enim Episcopatus sine presbyteratu, est Ordo superior, immo nihil est in re, sed merum figuratum in mente, quomodo Archiepiscopus, qui non sit Episcopus, vel rationale quod non sit animal.

TERTIVM argumentum, si Episcopalis ordinatio est Sacramentum, characterem certè imprimit; vel ergo is character est maior presbyterali, vel non: si maior, ergo est aliquid maius potestate consecrandi Eucharistiam, quod omnes negant; & præterea hinc sequeretur, esse ordinem aliquem altiorem sacerdotali, qui iam deberet numerari octauus: si non est maior, ergo Episcopus, ut Episcopus, non est maior presbytero, sed æqualis, vel potius minor, quia nullus character est æqualis sacerdotali.

RE S P O N D E O, characterem Episcopalem integrum & perfectum, esse maiorem presbyterali, quia illum includit, & unum præterea aliud, ut diximus: & hoc modo comparamus Episcopos cum Presbyteris, cum dicimus alias esse superiores, alias inferiores: si tamen quis conferat characterem quem habet Episcopus ex ultima sua consecratione, cum charactere, que in habet ex Ordinatione presbyterali; tunc iste est maior intensius, quia summa potestas est, posse consecrare Eucharistiam: ille est maior extensius, quia ad plurale extendit. Sed de his fatis.

C A P V T S E X T V M.

Diaconatum esse verum Sacramentum.

DO RRO de Diaconis, valde probabile est, eorum Ordinationem Sacramentum esse, licet id non sit certum ex fide. Quod non sit certum ex fide, patet, quia non potest id evidenter deduci ex verbo Descriptio, vel tradito: neque existat illa Ecclesiarum expressa determinatio.

Quod autem id sit valde probabile, PRIMO probatur ex communione sententia Theologorum: solus enim videtur esse Durandus, qui assertit solum sacerdotium esse Sacramentum Ordinis, in 4. dist. 24. quest. 2. cum Caietano, tomo i. opusc. tract. II.

SIC VEN.

SECVNDO, quia 1. Timoth. 3. Apostolus Paulus, ut etiam Philipp. 1. & ad Titum 1. semper coniungit Diaconos cum Episcopis, id est, cum Sacerdotibus: intelligit enim nomine Episcoporum, etiam Presbyteros, ut Chrysostomus docet in commentario horum locorum.

TERTIO, quia Acto. 6. Diaconi ordinantur per manus impositionem, id est, simili ceremonia qua Episcopi, & Presbyteri.

QVARTO, quia Diaconi in absentia Episcoporum possunt baptizate, Eucharistiam dare, reconciliare pœnitentes publicos, prædicare, ac ferè omnia munera Episcoporum, & Presbyterorum in eorum absentia exercere: ex quo sequitur, eos gratia Dei speciali indigere, ac proinde eorum Ordinatio ne m esse Sacramentum. Antecedens patet. Nam de Baptismo id testatur Tertullianus in libro de Baptismo, & Hieronymus in lib. contra Luciferianos. De Eucharistia, quod videlicet Diaconi Eucharistiam laicis ministrare possint, patet ex Concilio Nicæno, can. 14. immò olim ordinariè Diaconi sanguinem Domini ministrabant populo, ut patet ex Cypriano, sermone 5. de lapsis. De reconciliatione pœnitentium, patet ex eodem Cypriano, lib. 3. epist. 17. De prædicatione, testatur Gregorius, lib. 4. epist. 88. Et hæc videtur ratio, cur Diaconi ad Hierarchiam pertineant, & populis præesse dicantur, vñā cum Episcopis, & Presbyteris, ut patet ex Hieronymo in 2. cap. ad Titum; & ex Dionysio, qui in Ecclesiastica hierarchia non ponit, nisi hos tres Ordines, quia hi soli sunt hierarchici: inferiores enim non præsunt populo, sed tantum seruiunt superioribus Ordinibus.

QVINTO, Diaconatus semel acceptus, nunquam amittitur, nec potest repeti: igitur imprimis characterem, ergo est Sacramentum.

RESPONDENT quidam, Diaconatum esse perpetuum, non ex charactere, sed ex quadam consecratione, & quia est officium de iure diuino. SED solutio non valet. Nam si aliunde potest prouenire, quam ex charactere, ut non possit amitti Diaconatus; certè ruet principalis ratio Catholicorum, qua inde probant, quædam Sacraenta imprimere characterem, quia non possunt repeti.

DE INDE non esset consecratio Diaconorum, Ordinatio, nisi esset Sacramentum; esset enim simplex officij iniunctio. Nihil autem impedit, quo minus possit officium tolli, & postea iterum reddi: Immo nulla potest singi maior consecratio, si ita vocanda est dedicatio personae extra sacramenta, quam Monachorum, qui Deo consecrantur per solenne professionem; & tamen iusta causa, & summi Pontificis dispensatione possunt iterum ad seculum redire, ut doctissimi videntur, & exempla aliqua testantur. **N** & **Q** & illud obstat, quod sit officium de iure diuino: id enim solum probat, debere esse in Ecclesia Diaconos, sed non probat istum, utilium debere semper esse Diaconum. Itaque posset tolli ab uno Diaconatus, & dari alteri: sicut etiam de iure diuino est, videntur in Ecclesia Episcopi cum iurisdictione, & tamen potest summus Pontifex auferre ab Episcopo Episcopatum, quoad iurisdictionem, & dare alteri.

Sed contra hanc propositionem obiciuntur aliqua argumenta. **P** RIMVM est, quia multi veterum dicunt, Diaconos non a Christo, sed ab Apostolis institutos, ut pater ex Cypriano, lib. 3. epist. 9. ex Anacleto epist. 3. & Damaso, epist. 4. Et confirmatur, quia videntur Diaconi ex occasione quadam instituti, nimis ob murmur Græcorum; & solo ministerio mensarum addicti, ut patet Actor. 6.

R E S P O N D E O, Cyprianum solum velle dicere, Christum non ordinasse ullos Diaconos, sicut ordinavit Episcopos, & Presbyteros: sed non inde sequitur, Christum non instituisse hoc Sacramentum; nam etiam nullum Christus confirmavit, & tamen instituit Sacramentum Confirmationis. Porro Damasus, & Anacletus solum docent, Christum instituisse tantum duos Ordines Sacerdotum, id est, Episcoporum in Apostolis, & Presbyterorum in LXXII. discipulis: id quod scribunt contra Choropiscopos, qui tertium genus Sacerdotum videri volebant, cum tamen reuera nihil essent, nisi Presbiteri. Itaque non negant hi Pontifices, Diaconos, & alios Ordines inferiores a Christo institutos, sed negant esse ullum Ordinem Sacerdotum, praeter duos iam dictos.

Ad confirmationem **R** E S P O N D E O, ex occasione quidem ordinatos primos Diaconos, sed non ex occasione inventum esse Ordinem Diaconorum.

Neque

NE~~Q~~UE verum est, solūm ministros mensarum fuisse Diaconos tempore Apostolorum: nam Diaconi erant etiam Philippis, & Ephesi, & in Creta, ut patet ex epistolis Pauli ad Philipp. ad Timotheum, & Titum; & tamen in illis locis non viuebant Christiani communiter, ut esset opus ministris mensarum. **D**E~~I~~ND~~E~~ illa tam solennis Ordinatio per manus impositionem, certè indicat aliud, quam solūm mensarum ministerium. **P**R A E T E R E A, Philippus ex Diaconis primis, non dabat operam mensis præcipue, sed prædicationi, & Baptismo, Actor. 8. **D**E~~N~~I Q~~V~~E, ab antiquissimis temporibus Diaconi sunt ministri altaris, & Sacramentorum, ut patet ex Iustino Apologia 2. in fine, & ex omnibus antiquis auctoriis.

SECUNDVM argumentum est, quia Diaconi nullam habent potestatem faciendi aliquid supernaturale, aut effectum aliquem, qui sit irritus, si fiat a non Diacono: Ergo non habent proprium characterem; character enim datur ad operandum simpliciter, non ad benè operandum.

RESPONDEO, non esse de essentia Sacramenti, ut qui illud habet, aliquid supernaturale efficiat, sed satis est, si sit cæremonia conferens gratiam. Neque est verum vniuersaliter, quod character detur ad operandum simpliciter, ut patet ex charactere Confirmationis, qui datur ad profitendam fidem: quam tamen aliqui Catechumeni sine charactere interdum optimè profitentur, vsque ad sanguinis profusionem: & aliqui Confirmati non audent profiteri.

TERTIVM argumentum, Diaconatus materia, est traditio libri Euangeliorum, ut habetur in Concilio Florentino. Sed cum ordinarentur primi Diaconi, non erat scriptum Euangeliū; ergo vel illi non habuerunt verum Sacramentum, vel non est Sacramentum Diaconatus.

RESPONDEO, hoc argumentum soluendum esse in questione sequenti: directè enim probat solūm,
non esse librum Euangeliū materiam
huius Sacramenti.

DD 3 CAPUT